

■ COLUMNA

Milli Clintons

DA GISULA TSCHARNER

Doctor Faustus ed il Mephisto. President Clinton ed il Signur Starr. La Christina Brunner (ins ha chattà fotos «deplazzadas») ed il Cussegl federal. In dals deus antics che, bain mandà, s'è innamorà en ina terrestra, perdent tras quai sia buna posizium en il tschiel. Il ritus sa repeta adina. Co ch'ins definescha ina relaziun «deplazzada, inadattada», da tgenina nuance tranter discurs intim, bitsch ed act sexual, quai nun importa. Il mitus sa repeta. Il mitus funcziunesc. Las flaivladads umanas strain il retg giu dal tron ed en la merda, betg ils sbagls politics da gronda dimensiun. Il giavel vuls quai. La gliעד vul quai, la gliעד sco collectiv, betg il singul, la singula. Il mitus numna ils lieus flaivels da l'erox, la spatla da Sigfried, il chaltgogn d'Achilles, ils chavels da Simson. Il mitus raquinta, sco che l'adversari chatta il lieu flaivel secret da l'erox, al rapinond damai sia pussonza particulara. Il chaltgogn da Clinton; Starr e vidlonder d'al bleszar.

Mes lieu flaivel cardinal ch'jau stoss zuppar bain? Tes lieu flaivel cardinal che ti stoss zuppar bain?

Tranter nus, mes cher legider: Vus essas maridà cun ina dunna, dentant datti massas dunnas enturn Vus, e tranteren ina gia in fitg bella, in'otra gia ina fitg simpatica, ina terza gia ina fasinonta per discurer, ed ina quarta gia èsi simplamain ina dunna, la quala As porscha insatge che Vus na survegnis betg gist da Voss'atgna consorta, e — ins sto prender nua ch'ins survegn — Vus avais prì quai ch'As fascheva gist bain. Forsa essas Vus quel, forsà Voss collega da lavur, Voss cumpogn da ballape, vos frar u quinà. Ins tascha, sch'ins sa, quai è chaussa dad onur. Talas afferas curtas (betg relaziun d'amur lateralas da lunga durada) capitàn, na ston dentant betg senz'auter destruir ina lèt. Tgì sa, quantas lètgs ch'han chattà in nov impuls atras ina crisa da «trais»? E lura: Il pli n'è insumma nagin carstgaun vegnì sisur... Jau sai dad ina famiglia, nua ch'ils uffants èn vegnids pir ditg suenter la mort dal bab

sisur che quel aveva già durant curt temp ina relaziun «nunadattada» cun in'otra dunna, els nun han pers la stima vers lur bab pervia da quai, encuntrari.

Quants umens sin tut il mund audan e legian la chaussa dal Clinton cun surrir endadens: Mia relaziun a dascus na vegn betg en gasetta ed en televisiun, tge fortuna! Jeu nun hai num Clinton. Il spiritual che surpasa gist per in millimeter il celibat sa respirar pli libramain, la sparta tematica sin l'ultima (mender: sin la prima) pagina è occupada da Clinton e Monica.

Sajes leds, mes chars umens, ch'i dat in Signur Clinton! Quel stat avant dertgira sco substitut per ils gronds, mediochers ed er ils pitschens casanovas che populeschan il mund.

Ed anc en dublas parantesas, anc pli dascus: na fissi betg in pau lungurus, in president american cun in mingtadi privat permanentamain schuber? Faszinaziun Eros, faszinaziun da l'amant zuppà, da l'amanta zuppada..., in pau scuidus?